



**Clara Et Praeclara Methodus Parandæ Eloquentiæ,
Secundùm Doctrinam & Præcepta Cypriani Soarii è
Societate Jesu, Ad Captum Et Praxim Faciliorem
Accommodata**

Worpitz, Georg

Coloniæ Agrippinæ, 1700

§. XVII [i. e. XVI]. De Locis extrinsecis.

[urn:nbn:de:hbz:466:1-68908](#)

gula minorum cùm sit affirmativa , etiam propositiones debent esse affirmativæ in antecedenti & consequenti : unde male & false sequitur : Rustico non licet ire ad declamationem, ergo nec Rhetori.

In ordine ad praxin dato quocunque exemplo, vide 1. quodnam sit majus , quod minus, quod colliges ex dictis , si attendas , cui magis vel minus conveniat id , quod dicitur. 2. Vide, an majus sit in antecedenti, an consequenti , si est in antecedenti Majus erit à majori ad minus ; si est in consequenti, erit à minore ad majus. 3. Vide an sit juxta regulam Majorum ? an minorum ? si enim sit à majori, tunc propositio debet esse negativa ; si autem non est; mox est rejiciendum exemplum, quia plerumque fallit. Si verò sit à minori ad majus, tunc propositio debet esse affirmativa , alioqui etiam plerumque fallet.

§. XVII. *De locis extrinsecis.*

In his intelligendis tanta difficultas non est , unde paucis exponentur. *Præjudicia non sunt* simpliciter exempla , vel res similes (sic enim ad comparationem vel similitudinem spectant) sed prout judicio seu sententiâ judicis affecta: unde bene definiuntur: quod sunt judicia in casu simili lata. Hinc non est præjudicium, sed comparatio, si dicas : Ephibus Alexandri ob reverentiam sacrificii carbonem vivum immotâ manu sustinet , igitur & nos reverentiam sacrificii habere oportet. Est autem si dicas : Horatius absolutus est

licet sororem occiderit, ergo & Milo absolvit potest licet Clodium interficerit, hic enim a judicio prius habitu, ducimus argumentum ad casum similem; quod in priori exemplo non sit; ibi enim nulla sententia a judice lata est. Præjudicia etiam vocat Cicero in Miloniana & Versina, communem populi sensum qui condemnationem, vel absolutionem rei præcedit in populo: est enim judicium populi, quod præcedit judicium judicis. Sic postquam audivit populus Romanus, quod siculi Verræ essent accusaturi; præjudicarunt illum certò certius condemnatumiri. Hoc sensu acceptum præjudicium vocari potest præsumptio de aliquo absolvendo vel condamnando.

Fama est communis rumor, & sermo populi de re aliqua ab hoc vel illo facta v. g. omnes clamant hunc cædem perpetrasse, quæ noctu facta est, ergo videtur esse nocens. Omnes aut plerique dicunt hanc esse meretricem, hunc adire tabernas, ergo est meretrix, potator. &c.

Tormenta hic non significant pœnam, & supplicium a tortore illatum; sed per metonymiam, effectum illius: est igitur confessio veritatis expressa per tormentum seu supplicium. v. g. iste dum torqueretur, fassus est se hoc fecisse, igitur fecit.

Tabulae hic significant leges scriptas in tabulis olim, accipiturque continens pro contento. Huc revocantur chyrographa in

in fœderibus & contractibus data , item literæ ab aliquo scriptæ , maximè manu propriâ . v. g. scripsit hæc ad hostem de nobis , ergo est proditor .

Iusjurandum est juramentum , quod præstat aliquis ad probationem rei alicujus . v. g. vir honestus jurat à se visum alterum in homicidio , ergo occidit .

Testes dicuntur illi qui aliquid affirmant & testantur , sed sine juramento . Si enim juramentum accedit , revocatur ad *jusjurandum* . Ad testes reducuntur effata authorum , apophthegmata , sententiæ , proverbia ; item symbola , emblemata , & hieroglyphica , quæ ab aliis confecta sunt . v. g. ab Alciato , Petra sancta & aliis , apud Causinum & P. Masen in speculo imaginum . Quod si ea nos effingamus , pertinebunt ad similitudinem , in qua emblemata , symbola & hieroglyphica fundantur , tunc enim auctoritate destituuntur , & testimonii ratione , cum nemo sibi ipsi sit testis . Quod idem intellige de sententiis , quas orator ipse conficit . *Quæres an somnia , auguria , oracula ad testes revocari debeant ? Respondeo melius revocari ad præjudicia , sunt enim quasi judicia , quæ rei eventum præcedunt , de illaque judicium , & sententiam ferunt . Sic dum Joseph Patriarcha somniat adorari suum manipulum in agro ab aliis , præjudicium divinum erat illum olim à suis honorandum fratribus in Ægypto . Sic etiam dum Pharaon spicas septem , & boves in som-*

no vidit. Et Nabuchodonosor statuam, cuius caput aureum, pectus & brachia ex argento, venter & femora ex ære, tibiæ ferreae, & ultima pars pedum fictilis. Sic mater S. Dominici visa est sibi gerere catulum ferentem in ore facem S. Xaverius Æthiopem &c. Augurium fuit quando Romulus & Remus de Principatu contendentes vultures videre volantes hic sex, ille duodecim; & quando Cicero jamjam occidendus corvos funibus nauticis insidentes habuit, uno etiam rostro togam arripiente, & faciem detegente, Oraculum erat illud. Imperium summum Romæ habebit, qui primus veltrum, o juvenes osculum matris tulerit: osculum autem matribus ferre properantibus aliis, Brutus terram osculatus est, matrem communem nascentium. Sic monitus erat Philippus Macedo, ut à quadriga sibi caveret, hac enim se peritum. Hic princeps omnes currus à se removit, at confossus est gladio Pausanias, in cuius manubrio quadriga fuit exsculpta. Henrico Bayaro vox allapsa dixit: post sex; ille post sex dies se moriturum interpretans, ad mortem se dispoluit: his elapsis post sex hebdomadas, tum menses, denique annos se moriturum putavit; ast in Imperatorem electus est. Ad oracula referuntur vaticinia & præfigia, quale fuit, quando S. Xaverius Petro Vellio prædixit moriturum ipsum, ubi vinum in mensa acidum fuerit factum. Alibi præfigia mortis fuerunt rosæ in sede cui-

cuique propria repertæ in hyeme alibi sudor
lapidis sepulchralis. &c.

§. XVIII. De *Uſu locorum.*

Jam suprà docui, ante omnia statuendam
esse quæſtionem, tum verò expendendæ e-
runt ejus conditiones, finitæ ne sit, an
infinita, conjecturalis, definitiva, an
qualitatis, simplex an composita. Juve-
rit etiam videre an verba in propria signifi-
catione accipient, an in translata v. g.
metaphorica, quæ eorum etymologia &
conjugata. Nec inutile erit verba illa, aliis,
atque aliis synonymis commutare, sic e-
nīm & quæſtio melius perspicietur, &
copia verborum pro elocutione enascetur,
nè iisdem perpetuò verbis propositionem
tuam efferas. Hoc peracto exutiendæ
voces omnes quæſtionis seu propositio-
nis assumptæ. Sunt autem principales
prædicatum & subjectum quæſtionis ;
quibus accidentūt aliæ, quæ modificare
dicuntur, id est, completere sensum &
significationem. Accipe igitur 1. subje-
ctum, & cum eo per locos deambula
investigando, quæ ejus natura, seu quid
sit ? & quomodo ab aliis distinguatur,
quæ ejus partes &c. Semper verò quod
argumentum inveneris ex subjecto, in char-
tam conjice, & annota, idque cum præ-
dicato conjunge, ut videas, quām ap-
tē rem tuam probet, **Excusso subjecto, simi-**
liter